

## FICHA TÉCNICA

### INDICACIÓN XEOGRÁFICA PROTEXIDA PEMENTO DA ARNOIA

**Creación:** Por Orde do 19 de xullo de 2013, da Consellería do Medio Rural (DOG num. 147 do 02.08.2013).

**Regulamentación:** ORDE do 19 de xullo de 2013 pola que se aproba o Regulamento da indicación xeográfica protexida Pemento da Arnoia e do seu Consello Regulador, e se nomea o Consello Regulador provisorio.

Rexistrada como indicación xeográfica protexida polo Regulamento (UE) nº 444/2010 da Comisión, do 21 de maio de 2010 (DOUE 22.05.2010).

URL Prego de condicións:

[https://agacal.xunta.gal/sites/default/files/calidade-alimentaria/orixe-vexetal/Pliego\\_de\\_condiciones\\_Pemento\\_da\\_Arnoia\\_mayo\\_2009.pdf](https://agacal.xunta.gal/sites/default/files/calidade-alimentaria/orixe-vexetal/Pliego_de_condiciones_Pemento_da_Arnoia_mayo_2009.pdf)

**Enderezo:** Outeiro Cruz, 12  
32417 A Arnoia (Ourense)  
Tel: 881 997 279  
Correo electrónico: [ixppementodaarnoia@gmail.com](mailto:ixppementodaarnoia@gmail.com)

**Presidente:** Francisco Vázquez González

#### **Rexistros a 31 de decembro de 2025:**

Produtores:	19
Almacenistas / envasadores:	1
Superficie inscrita:	3,5 ha
Superficie plantada:	0 ha

## Volume de actividade no ano 2025:


Produción comercializada: 0 kg

Valor económico estimado: 0 €

## Zona amparada pola indicación xeográfica protexida *Pemento da Arnoia*:

O ámbito xeográfico da zona de produción amparada pola indicación xeográfica protexida Pemento da Arnoia comprende unha área de 23 km<sup>2</sup> de extensión constituída polo termo municipal da Arnoia e pola parroquia de Meréns, pertencente ao municipio de Cortegada.

A totalidade da área encóntrase incluída na comarca do Ribeiro, situada ao oeste da provincia de Ourense, no sur da Comunidade Autónoma de Galicia.



## Produto protexido

Os pementos amparados pola indicación xeográfica protexida Pemento da Arnoia son os froitos pertencentes ao ecotipo da especie *Capsicum annuum*, L., cultivado tradicionalmente na zona de produción, procedentes de parcelas inscritas no correspondente rexistro.

### Características

As plantas deste ecotipo son de consistencia herbácea, moi ramificadas, de porte medio, e acadan unha altura aproximada entre 55 e 80 cm ao aire libre. Son de ciclo semiprecoz, con follas pequenas, lanceoladas e de elevada floración.

O froito apáñase en verde, en estado inmaturo intermedio. Forma: cónica, acampanada, con 3 ou 4 cascos e 4 costelas e un número variable de septos lonxitudinais bastante patentes; ápice: fendido ou redondeado; zona de inserción do pedúnculo lobulada; pel: lisa e brillante, de cor verde claro; peso aproximado: entre 50 e 90 gramos por unidade; lonxitude aproximada do froito: entre 7,5 e 11 cm; anchura aproximada do froito: entre 5 e 7 cm; espesor aproximado da parede intermedia ou carne: entre 2,6 e 7,7 mm; sección lonxitudinal: trapezoidal; cata: cheiro intenso e sabor doce, con moi baixa punxencia.

Evolución da produción amparada pola IXP Pemento da Arnoia (kg)

